


Ny Baiboly ho an'ny ankizy
dia manolotra

Nandray
andraikitra
i Josoa



Nosoratan'i: Edward Hughes
Sarin'i: Janie Forest
Nampifanarahin'i: Ruth Klassen
Alastair P.

Nadikan'i: Fikambanana "Ndao mba hiaraka aminay" na
association "Allons ensemble" FJKM Nazareta Amborovy
Mahajanga Madagascar

Novokarin'i: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2022 Bible for Children, Inc.
Azo atao ny fandikana na fakana ity tantara ity
nefa tsy ho amin'ny fitadiavam-bola.



Efa nodi-mandry i Mosesy. Fantatr'i Josoa fa nifidy azy Andriamanitra hitarika ny Israely. Mialoha ny nanomanany ny miaramilany, dia tsy maintsy nanomana ny tenany koa aloha izy. Andriamanitra dia nampanantena an'i Josoa fandresena ary koa fahombiazana ao amin'ny tany nampanantenainy azy, raha toa ka manaraka ny Tenin'Andriamanitra ny vahoaka.



Nanaiky ny hanaraka an'i Josoa
sy hankato mandrakariva ny
tenin'Andriamanitra ireo
Israely.



Naniraka
mpitsikilo
maromaro ho
any Kanana i Josoa
hisafy ny tananan'i
Jeriko. Ao mantsy
no hisy ny ady
voalohany
hatrehan'ny
Israely.






Nisy olona nitatitra tany amin'ny Mpanjakan'ny Jeriko fa misy mpitsikilo tonga ao an-tanana. Nalefany hizaha azy ireo noho izany ny miaramilany. Nanomboka tany amin'ny tranon'ny Rahaba, toerana iray izay niantranoan'ireo mpitsikilo ny fisavana. Nandraman'ireo miaramilan'ny mpanjaka novohana ny varavarana. Nafenin'i Rahaba haingana tany an-tampon-trano tao anaty tahon-drongony ireo lehilahy.




Rehefa lasa ireo miaramila,
nampiasa tadimahazaka
i Rahaba hampidinana
ireo lehilahy tamin'ny
rindrin'ny tanàna. Fa
naninona ary izy no
nanampy ireto
mpitsikilo? Satria
fantany fa miaraka
amin'izy ireo
Andriamanitra. Tiany
mba hamonjy ny ainy tsy ho faty
Andriamanitra. Nampanantena
ny hamonjy an'i Rahaba sy ny
fianakaviany ireo mpitsikilo.




Mialohan'ny hahatongavana ao Jeriko dia tsy maintsy miampita ny reniranon'ny Jordana ao Kanana, ilay tany nampanantenaina aloha ny Israely. Saingy tsy misy na tetezana iray aza hiampitana. Ahoana re no hataon'ireto vahoaka e?



Andriamanitra dia nilaza tamin'i Josoa fa ireo mpisorona izay mitondra ny vatamasina no tokony hitarika ny miaramila sy ny vahoaka, raha toa ka manaja ny didy folo izy ireo. Vantany vao nanitsaka ny sisin'ny renirano ny tongotr'ireo mpisorona, dia nanao fahagagana lehibe Andriamanitra. Nisy lala-maina nahafahana niampita ilay rano.



Rehefa tafampita daholo ny olona, dia nametraka vato roambinifolo tao anatin'ny renirano sy vato roambinifolo hafa teo amin'ny moron'ny Kanana izy ireo. Izany dia mba hahafahan' ny vahoaka hampita amin'ny zanak'izy ireo ny amin'ny fahefan'Andriamanitra sy ny fitiavany.





Voadidina rindrina tena matevina sady mafy i Jeriko. Ary satria efa nanomana ny fanafihana nataony i Josoa, dia nandefa ny kapiteny lehibe ny tafiny izy mba hampahatsiahy ireo tompon'andraikitra vaovao fa Andriamanitra dia mpandresy mandrakariva eo amin'ny ady ataony ho an'ny vahoakany.





Niteny
tamin'i
Joso

Andriamanitra

ny hanafika an'i Jeriko. Tena tetika hafa mihintsy no nentina nampiasaina. Nasaina nihodidina ny tanàna indray mandeha isan'andro mandrindra ny enina andro aloha ny vahoaka, fa tamin'ny andro fahafito kosa dia natao impito mihodidina. Nasaina nitsoka trompetra sy nikikiaka mafy izy ireo tamin'izany, mba handrodanana ny rindrin'ny Tanana.





Notanterahan'i Josoa sy ny tafiny
antsakany sy an-davany ny
baikon'Andriamanitra. Angamba
naneso azy ny mponin'ny Jeriko. Saingy
tao aorian'ny ny fihodinana fahafito ny
andro fahafito, nitsoka
trompetrany ireo
mpisorona, ary arak'izay
nampanantenain'Andriamanitra
dia NIRODANA



TOKOA


NY MANDAN'NY
JERIKO.





Ny tranon'i Rahaba irery sisa no tsy nirodana. Navelany nikirazorazo teo am-baravarakeliny ilay tady mahazaka. Navotan'ny olon'i Josoa faingana Rahaba sy ny fianakaviany. Nony avy eo, nirodana tanteraka i Jeriko, araka ny baikon'Andriamanitra.





Josoa dia nanolotra ny volamena, ny volafotsy ary ny harena rehetra tao Jeriko hanompoana an'Andriamanitra.

Nametraka ozona ho an'ireo mbola te hanorina ny tanàna izy ireo. Niparitaka eraky Kanana ny fomba nandresen'i Josoa an'i Jeriko. Fantatr'izy ireo fa Andriamanitra dia niaraka tamin'ny vahoakany.



Nandray andraikitra i Josoa

Tantaran'ny Tenin'Andriamanitra, ny Baiboly,


Tao amin'ny bokin'ny

Josoa 1-6

"Ny fanambaràn'ny teninao dia manazava."

Salamo 119:130





Tapitra

13



60



Ny tantara ao amin'ny Baiboly dia miresaka amintsika ny amin'Ilay Andriamanitsika mahafinaritra, Izay namorona antsika ary maniry ny hahafantarantsika Azy.

Fantatr'Andriamanitra fa manao zava-dratsy foana isika, izany no antsoiny hoe "fahotana". Fahafatesana no sazy ho antsika noho ny otantsika, saingy tian'Andriamanitra tokoa isika ka nomeny Jesosy Zanany ho faty teo amin'ny hazo fijaliana, mba ho voasazy noho ny helontsika. Avy eo nitsangana tamin'ny maty Jesosy, ary niakatra any an-danitra! Raha mino an'i Jesosy ianao, ary mangataka Aminy mba hamelàny ny helokao, dia havelany tokoa izany! Honina ao aminao Izy, ary ianao honina miaraka Aminy mandrakizay.

Raha te-hibebaka hiala amin'ny fahotanao ianao,
dia izao no afaka lazainao amin'Andriamanitra:

Ry Andriamanitra ô, mino aho fa maty ho ahy Jesosy, ary velona Izy ankehitriny. Miangavy Anao aho, Tompo ô, midira ao amin'ny fiainako, ary mamelà ny heloko, mba hahazoako fiainan-baovao, ary ho avy ny andro handehanako eny Aminao ho mandrakizay. Ampio aho ho velona ao aminao, tahaka ny Zanakao. Amena.

Vakio ny Baiboly ary miresaha amin'Andriamanitra isan'andro!
Jaona 3.16

